



**SIARAN MEDIA  
KEMENTERIAN KEWANGAN MALAYSIA**

**BANTUAN PRIHATIN NASIONAL (BPN)**

Merujuk kepada Pakej Rangsangan Ekonomi Prihatin Rakyat (PRIHATIN) bernilai RM250 bilion yang telah diumumkan oleh YAB Perdana Menteri pada 27 Mac 2020, Kementerian Kewangan ingin menjelaskan mengenai pelaksanaan dan cara mengakses **Bantuan Prihatin Nasional (BPN)** yang telah diperuntukkan sebanyak RM10 bilion bagi golongan rakyat yang layak.

**Pembayaran BPN akan dibuat dalam dua fasa iaitu pada akhir bulan April dan Mei 2020**, mengikut kelayakan berikut:

**Kriteria Kelayakan**

<b>Kategori &amp; Pendapatan Bulanan</b>	<b>Pendapatan Isi Rumah RM4,000 ke bawah</b>	<b>Pendapatan Isi Rumah RM4,001 hingga RM8,000</b>	<b>Bujang RM2,000 ke bawah</b>	<b>Bujang RM2,001 hingga RM4,000</b>
<b>Jumlah Bantuan BPN</b>	RM1,600	RM1,000	RM800	RM500
<b>Tempoh / Pembayaran</b>	April: RM1,000 Mei: RM600	April: RM500 Mei: RM500	April: RM500 Mei: RM300	April: RM250 Mei: RM250
<b>Penerima BPN yang TIDAK PERLU memohon atau mengemukakan permohonan baharu</b>	Isi rumah yang sebelum ini telah diluluskan bawah senarai Bantuan Sara Hidup (BSH)	Isi rumah pembayar cukai yang sedia ada berdaftar dengan LHDNM	Individu bujang yang sebelum ini telah diluluskan bawah senarai Bantuan Sara Hidup (BSH)	Individu bujang pembayar cukai yang sedia ada berdaftar dengan LHDNM
<b>Penerimaan bayaran bantuan</b>	Secara terus ke akaun bank berdaftar di bawah BSH	Secara terus ke akaun bank berdaftar dengan LHDNM	Secara terus ke akaun bank berdaftar di bawah BSH	Secara terus ke akaun bank berdaftar dengan LHDNM

Bagi mereka yang belum berdaftar, **permohonan baharu** boleh dibuat mulai 1 April 2020 menerusi laman web rasmi LHDNM: [www.hasil.gov.my](http://www.hasil.gov.my).

Sekiranya terdapat sebarang pertanyaan lanjut, sila hubungi pihak Kementerian atau LHDNM melalui nombor-nombor telefon atau saluran-saluran berikut:

	<b>No telefon/ e-mel</b>	<b>Waktu operasi</b>
Kementerian Kewangan	03-8882 9089 03-8882 9087 03-8882 9191 03-8882 4565 03-8882 4566	Jam 9 pagi – 5 petang Ahad - Jumaat  (Mulai <u>29 Mac</u> 2020)
	<a href="mailto:bsh@treasury.gov.my">bsh@treasury.gov.my</a> <a href="mailto:pre2020@treasury.gov.my">pre2020@treasury.gov.my</a>  Telegram: PRE PRIHATIN  Facebook: Kementerian Kewangan Malaysia	24 Jam
LHDNM	1-800 882 747  03-8911 1000	Jam 9 pagi – 5 petang Ahad - Jumaat  (Mulai <u>30 Mac</u> 2020)

Kementerian mengingatkan orang awam juga agar **berhati-hati dengan scammers** yang semakin berani mengambil peluang menipu orang awam yang memerlukan bantuan Pakej PRIHATIN ini. Penerima disarankan merujuk kepada sumber-sumber rasmi dan jangan memberikan maklumat kepada mana-mana pihak ketiga.

Kementerian ingin berterima kasih kepada rakyat Malaysia kerana telah berkongsi pandangan, teguran dan cadangan mengenai Pakej PRIHATIN menggunakan pelbagai saluran. Kementerian melalui Unit Pelaksanaan dan Koordinasi Stimulus Ekonomi Antara Agensi Nasional (LAKSANA), bersedia memastikan bantuan Pakej PRIHATIN disampaikan dengan efisien dan cepat.

Kementerian Kewangan Malaysia  
Putrajaya  
29 Mac 2020

## LAMPIRAN



### SOALAN LAZIM (FAQ) MENGENAI BANTUAN PRIHATIN NASIONAL 2020 BAGI GOLONGAN B40 & M40 PAKEJ RANGSANGAN EKONOMI PRIHATIN RAKYAT

#### 1. Apakah Bantuan Prihatin Nasional?

Bantuan Prihatin Nasional adalah salah satu bantuan yang disediakan oleh Kerajaan dalam Pakej Rangsangan Ekonomi Prihatin Rakyat yang akan diberikan secara *one-off* kepada golongan B40 dan M40.

Pemberian Bantuan Prihatin Nasional bagi golongan B40 adalah berdasarkan pangkalan data Bantuan Sara Hidup.

Manakala Bantuan Prihatin Nasional bagi golongan M40 adalah berdasarkan data percukaian Lembaga Hasil Dalam Negeri Malaysia (LHDNM).

#### 2. Siapakah yang layak menerima Bantuan Prihatin Nasional B40 & M40?

Kategori yang layak menerima **Bantuan Prihatin Nasional B40** adalah seperti berikut:

- 1) Isi Rumah
  - a) Kahwin; atau
  - b) Ibu atau Bapa Tunggal / Balu / Janda / Duda yang ada melaporkan maklumat Anak pada permohonan BSH 2020; dan
  - c) Pendapatan Isi Rumah adalah RM4,000 dan ke bawah
- 2) Bujang
  - a) Bujang atau Ibu atau Bapa Tunggal / Balu / Janda / Duda yang tidak melaporkan maklumat Anak pada permohonan BSH 2020; dan
  - b) Had umur adalah 21 tahun dan ke atas termasuk kategori warga emas (60 tahun dan ke atas); dan
  - c) Pendapatan Bujang adalah RM2,000 dan ke bawah.

Kategori yang layak menerima **Bantuan Prihatin Nasional M40** pembayar cukai yang berdaftar dengan LHDNM yang berstatus adalah seperti berikut:

- 1) Isi Rumah
  - a) Kahwin; atau
  - b) Ibu atau Bapa Tunggal / Balu / Janda / Duda berdasarkan data percukaian; dan
  - c) Pendapatan agregat bulanan adalah RM4,001 hingga RM8,000 berdasarkan Borang Nyata Cukai Pendapatan (BNCP) terkini.

- 2) Bujang
  - a) Individu yang berstatus bujang dalam data percukaaian; dan
  - b) Had umur adalah 21 tahun dan ke atas; dan
  - c) Pendapatan bulanan adalah RM2,001 hingga RM4,000 berdasarkan Borang Nyata Cukai Pendapatan (BNCP).
- 3) Pembayar cukai yang merupakan warganegara Malaysia yang menetap di Malaysia.

**3. Berapakah bayaran Bantuan Prihatin Nasional yang akan diterima bagi golongan B40 & M40?**

Jumlah bayaran yang akan diterima adalah secara *one-off* seperti berikut:

Kategori	Pendapatan	Peringkat Bayaran		Jumlah
		Bayaran Pertama (April 2020)	Bayaran Kedua (Mei 2020)	
Isi Rumah	RM0 – RM4,000	RM1,000	RM600	RM1,600
	RM4,001 – RM8,000	RM500	RM500	RM1,000
Bujang	RM0 – RM2,000	RM500	RM300	RM800
	RM2,001 – RM4,000	RM250	RM250	RM500

**4. Bilakah tarikh pembayaran Bantuan Prihatin Nasional B40 & M40 boleh dibuat?**

Tarikh pembayaran Bantuan Prihatin Nasional B40 & M40 akan dibuat pada bulan April dan Mei 2020.

**5. Bagaimanakah kaedah bayaran Bantuan Prihatin Nasional B40 & M40 ini dilaksanakan?**

**Kaedah bayaran Bantuan Prihatin Nasional B40** adalah seperti berikut:

Pembayaran sekiranya:

- 1) Ada maklumat akaun – bayaran adalah secara kredit ke akaun; atau
- 2) Jika status bayaran adalah gagal kredit – bayaran adalah secara tunai di Bank Simpanan Nasional
- 3) Tiada akaun – bayaran adalah secara tunai di Bank Simpanan Nasional (BSN)

**Kaedah bayaran Bantuan Prihatin Nasional M40** adalah seperti berikut:

- 1) Bayaran akan dibuat melalui akaun bank yang dinyatakan di dalam BNCP terkini yang telah dikemukakan.
- 2) Bayaran akan dikreditkan ke akaun bank ketua isi rumah.
- 3) Jika taksiran bersama telah dipilih semasa mengemukakan BNCP, bayaran akan dikreditkan ke akaun bank atas nama pembayar cukai yang ditaksir.

**6. Bagaimana jika akaun bank yang didaftarkan adalah tidak aktif atau tutup?**

**Bagi Bantuan Prihatin Nasional B40:**

Sekiranya status pengkreditan adalah Gagal Kredit, pembayaran akan dibuat secara tunai melalui Bank Simpanan Nasional.

**Bagi Bantuan Prihatin Nasional M40:**

Pemohon boleh mengemaskini maklumat akaun bank melalui aplikasi **e-Kemaskini** (<https://ez.hasil.gov.my/ci/> > e-Kemaskini > Profil Diri) untuk memastikan maklumat akaun bank adalah terkini dan aktif. Pastikan akaun bank adalah atas nama penerima.

**7. Bila dan bagaimana semakan status penerimaan Bantuan Prihatin Nasional B40 & M40 boleh dibuat?**

Penerima yang layak menerima Bantuan Prihatin Nasional B40 & M40 boleh membuat semakan status mulai 1 April 2020. Pangkalan data BPN adalah berdasarkan:

- 1) Untuk B40, senarai penerima BSH yang diluluskan, dan
- 2) Untuk M40, senarai pembayar cukai pendapatan yang memenuhi kriteria pendapatan BPN yang ditetapkan

Semakan status boleh dibuat di Portal Rasmi berikut:

- 1) Lembaga Hasil Dalam Negeri Malaysia, <http://www.hasil.gov.my>
- 2) Bantuan Sara Hidup (BSH), <https://bsh.hasil.gov.my>
- 3) Kementerian Kewangan Malaysia, <https://www.treasury.gov.my>

**8. Adakah permohonan baru boleh dibuat sekiranya tidak tersenarai sebagai penerima Bantuan Prihatin Nasional B40 & M40?**

Ya. Jika memenuhi kriteria tetapi tidak tersenarai, permohonan baharu Bantuan Prihatin Nasional untuk B40 dan M40 boleh dibuat mulai 1 April 2020 secara dalam talian di Portal Rasmi berikut sahaja:

- 1) Lembaga Hasil Dalam Negeri Malaysia, <http://www.hasil.gov.my>
- 2) Bantuan Sara Hidup (BSH), <https://bsh.hasil.gov.my>
- 3) Kementerian Kewangan Malaysia, <https://www.treasury.gov.my>

**9. Apakah dokumen yang diperlukan semasa membuat permohonan rayuan Bantuan Prihatin Nasional?**

Selain daripada mengisi borang atas talian, pemohon boleh mengemukakan bukti pendapatan.

Kesemua permohonan akan disemak berdasarkan data agensi yang telah ditetapkan.

**10. Bilakah bayaran bagi mereka yang membuat permohonan Bantuan Prihatin Nasional akan dilakukan?**

Sekiranya permohonan baharu Bantuan Prihatin Nasional diluluskan, bayaran akan dibuat pada bulan Mei 2020 secara sekaligus.

**11. Jika pemohon Bujang berstatus Pelajar Sepenuh Masa, adakah layak menerima Bantuan Prihatin Nasional B40 & M40?**

Tidak. Pemohon Bujang yang berstatus pelajar sepenuh masa adalah tidak layak menerima Bantuan Prihatin Nasional B40 & M40.

**12. Adakah penerima Bantuan Prihatin Nasional B40 & M40 yang berada di pedalaman negeri Sabah dan Sarawak akan menerima bayaran pada April 2020?**

Tidak. Pembayaran Bantuan Prihatin Nasional B40 bagi penerima Pedalaman di Negeri Sabah dan Sarawak akan dibuat secara sekaligus bersekali dengan bayaran Bantuan Sara Hidup 2020.

**13. Bagaimanakah kaedah pembayaran Bantuan Prihatin Nasional bagi penerima pedalaman di Negeri Sabah dan Sarawak dilaksanakan?**

Kaedah pembayaran akan dilaksanakan melalui pembukaan kaunter di kawasan pedalaman Negeri Sabah dan Sarawak yang akan diselaraskan oleh Perbendaharaan Malaysia Sabah dan Sarawak melalui Kementerian Kewangan Malaysia. Lokasi dan tarikh akan dimaklumkan kemudian.